

BROJ JAVNE NABAVE : 02-775-1/22

Mostar, 20.06.2022. godine

**TENDERSKA DOKUMENTACIJA  
ZA NABAVKU USLUGA  
Aneks II Dio B ZJN BiH**

**FIZIČKA I TEHNIČKA ZAŠTITA LJUDI I IMOVINE OPERATORA ZA OBNOVLJIVE IZVORE  
ENERGIJE I EFIKASNU/UČINKOVITU KOGENERACIJU**

**Mostar, juni 2022.godine**



**Operator za obnovljive izvore energije  
i efikasnu/učinkovitu kogeneraciju**

Adresa: Adema Buća 34, 88000 Mostar

IDB/JIB: 4227816850001

Telefon: +387 36 281 030

Faks: +387 36 281 031

Web adresa: [www.operatoroieiek.ba](http://www.operatoroieiek.ba)

Predmet: Poziv za dostavljanje ponuda za javnu nabavu usluga iz Aneksa II Dio B

Na osnovu člana 8. stav (1) Zakona o javnim nabavama Bosne i Hercegovine („Službeni glasnik BiH“ broj: 39/14) (u daljnjem tekstu: Zakon), člana 7. Pravilnika o postupku dodjele ugovora o uslugama iz Aneksa II dio B Zakona o javnim nabavama („Službeni glasnik BiH“, broj: 66/16) (u daljnjem tekstu: Pravilnik) i Odluke o pokretanju postupka nabavke, broj: 02-775/22 od 06.06.2022.godine, za usluge – "Fizička i tehnička zaštita ljudi i imovine Operatora za obnovljive izvore energije i efikasnu/učinkovitu kogeneraciju (usluge na području sigurnosti).

**POZIVAMO VAS**

da dostavite Vašu ponudu za pružanje usluga – usluge na području sigurnosti.

Postupak javne nabavke će se provesti u skladu sa Zakonom o javnim nabavkama BiH ("Službeni glasnik BiH" broj: 39/14), donesenim podzakonskim aktima i ovom tenderskom dokumentacijom.

**1. Podaci o Ugovornom organu**

Ugovorni organ: Operator za obnovljive izvore energije i efikasnu/učinkovitu kogeneraciju

Adresa Adema Buća 34, 88000 Mostar

IDB/JIB: 4227816850001

Telefon: +387 36 281 030

Faks: +387 36 281 031

Web adresa: [www.operatoroieiek.ba](http://www.operatoroieiek.ba)

**1.1. Podaci o osobi zaduženoj za kontakt**

Kontakt osoba: Rifat Zlomužica

Telefon +387 36 281 030

Faks +387 36 281 031

E-mail adresa: [kontakt@oieiek.ba](mailto:kontakt@oieiek.ba)



### **3. POPIS PRIVREDNIH SUBJEKATA S KOJIMA JE UGOVORNI ORGAN U SUKOBU INTERESA U SMISLU ČLANA 52. ZAKONA O JAVNIM NABAVKAMA**

Ne postoje privredni subjekti s kojima je ovaj ugovorni u sukobu interesa u smislu člana 52. Zakona o javnim nabavkama BiH.

### **4. VRSTA POSTUPKA JAVNE NABAVKE**

Vrsta ugovora: Ugovor o javnoj nabavi usluga.

Postupak za dodjelu ugovora : Nabavka će se izvršiti u skladu sa članom 8. (Ugovori na čij u se dodjelu primjenjuje poseban režim)- usluge iz Aneks II Dio B ZJN Bosne i Hercegovine.

Ugovorni organ je omogućio neograničen i izravan pristup kompletnoj tenderskoj dokumentaciji, bez naknade, na Internet adresi Operatora za obnovljive izvore energije i efikasnu/učinkovitu kogeneraciju -[www.oieiek.ba](http://www.oieiek.ba).

Ukoliko se tenderska dokumentacija preuzme sa Web stranice ugovornog organa, obavezna je pismena obavijest ugovornom organu da je preuzeta tenderska dokumentacija koja sadrži naziv i adresu ponuđača koji je preuzeo TD, kao i datum i vrijeme preuzimanja iste.

Ponuđači koji preuzmu TD, a ne dostave obavještenje pisanim putem da su istu preuzeli, smatrati će se da nisu preuzeli tendersku dokumentaciju i njihova ponuda će se odbaciti kao nedopuštena.

Kriterij za dodjelu ugovora: **najniža cijena** tehnički zadovoljavajuće ponude.

Dobavljači mogu ponuditi samo jednu cijenu i ne mogu je mijenjati.

O cijeni se neće pregovarati.

### **5. OPIS PREDMETA NABAVKE**

**5.1. Predmet nabave je:** Fizička i tehnička zaštita ljudi i imovine Operatora za obnovljive izvore energije i efikasnu/učinkovitu kogeneraciju.

**5.2. Oznaka iz JRJN : "Usluge na području sigurnosti"- 79710000-4**

**5.3. Procijenjena vrijednost nabave:** 40.000,00 KM bez PDV-a (Finansijski plan Operatora za OIEIEK za 2022. godinu)

**5.4. Usluga podrazumijeva organiziranje aktivnosti radi zaštite imovine od uništenja, oštećenja ili krađe, odnosno radi zaštite ljudi od opasnog ili štetnog djelovanja na zdravlje i život ljudi.**

Zahtijevane radnje zaštitara:

- Upozoriti osobu koja se neovlašteno nalazi ili zadržava da se udalji sa prostora ili, objekta kojeg štiti;
- spriječiti ulaz neovlaštenih osoba u prostor zaštite;
- zadržati osobu koja je zatečena u obavljanju kaznenog dijela na prostoru koji se štiti;
- obavljanje recepcijskih poslova – porta;
- spriječiti neovlašteni ulazak ili izlazak vozila ili osoba s prtljagom



Pod tehničkom zaštitom podrazumijeva se zaštita ljudi i imovine, tehničkim sredstvima i opremom i to: alarm, sirene, alarmna centrala, intervencija mobilnog interventnog tima.

**5.5. Ponuđač usluge se obvezuje da će po dojavi o promjeni stanja na objektu (alarmno stanje) poduzeti sljedeće radnje:**

- Uputiti na mjesto događaja zaštitare-službu za intervencije,
- zadržati zatečene počinitelje,
- obavijestiti najbližu policijsku postaju,
- pozvati hitnu medicinsku pomoć, ako je potrebno,
- pozvati vatrogasnu službu u slučaju požara,
- obavijestiti odgovornu osobu ugovornog tijela,
- čuvati objekt do konačnog raspleta situacije,
- sačiniti službenu zabilješku.

**5.6 Izabrani ponuđač se obvezuje uslugu na području sigurnosti pružati po pravilima struke na osnovu Zakona o agencijama za zaštitu ljudi i imovine.**

Zaposlenici izabranog ponuditelja (zaštitari) na svojoj odjeći kao i vozilo za intervenciju će biti vidno obilježeni sa znakom istog. Zaposlenici izabranog ponuđača (zaštitari) na obavljanju poslova zaštite, prilikom intervencije po pozivu ili alarmnog stanja mogu biti naoružani vatrenim oružjem kratke cijevi, te koristiti oružje prema odredbama Zakona o agencijama za zaštitu ljudi i imovine.

Izabrani ponuđač usluga se obvezuje nadoknaditi ugovornom organu svaku štetu koja nastane njegovim neispunjavanjem potrebnih radnji kao i štetu koju prouzroči njegov zaštitar na radu ili u svezi s radom. Izabrani ponuđač neće odgovarati za štetu nastalu zbog više sile, koja se nije mogla predvidjeti, ili je šteta nastala kao posljedica postupanja koja nije pokrivena uslugama ove tenderske dokumentacije.

**Podjela na lotove :** Ne.

**5.7. Duljina trajanja ugovora:** Ugovor s odabranim ponuditeljima sklapa se na period od 12 mjeseci tj. računajući od dana obostranog potpisivanja ugovora.

**5.8. Mjesto pružanja usluga:** Zgrada Operatora za OIEiEK - sjedište ugovornog organa.

**5.9. Način vršenja usluga:** Izabrani ponuđač će usluge vršiti svaki dan.

**5.9.1 Način plaćanja:** Plaćanje će se vršiti u skladu sa Aneksom 6. - Nacrt Ugovora

**5.9.2. Internetska adresa** na kojoj se može preuzeti dodatna dokumentacija ako je potrebno:  
[www.oieiek.ba](http://www.oieiek.ba)

## **6. USLOVI ZA SUDJELOVANJE I POTREBNI DOKAZI**

### **6. 1. Sposobnost obavljanja profesionalne djelatnosti**



**6.1.1. Što se tiče sposobnosti za obavljanje profesionalne djelatnosti (član 46. Zakona o javnim nabavkama) ponuđači trebaju dostaviti sljedeće dokaze:**

- a) Aktualni izvod iz sudskog registra sa šiframa djelatnosti ili potvrda/uvjerenje nadležnog tijela kojom se dokazuje njegovo pravo da obavlja profesionalnu djelatnost, koja je u vezi s predmetom nabavke. Dostavljeni dokazi se priznaju, bez obzira na kojoj razini vlasti su izdati. Dokazi koji se dostavljaju moraju biti original ili ovjerena kopija, ne starije od tri mjeseca, računajući od dana dostavljanja ponude. Ukoliko ponudu dostavlja grupa ponuđača, svi članovi grupe zajedno moraju biti registrirani za obavljanje djelatnosti koja je predmet nabavke.
- b) Rješenje nadležnog ministarstva o odobrenju za rad Agencije za zaštitu ljudi i imovine (ovjerena preslika),
- c) Posebno odobrenje FMUP-a za obavljanje poslova tehničke zaštite, sukladno članu 26. stav (2) Zakona o agencijama i unutarnjim službama za zaštitu ljudi i imovine („Službene novine Federacije BiH”, br. 78/08 i 67/13). (ovjerena kopija).

**6.2. Ugovorni organ zahtjeva da se dostavi i:**

- 1) Porezni i identifikacijski broj,
- 2) Uvjerenje o registraciji obveznika poreza na dodatnu vrijednost,
- 3) Izjava sa nazivom glavne banke i broj bankovnog računa.

Navedeni dokumenti iz točke 6.2. pod stavom **1), 2), 3)** dostavljaju se kao obične kopije.

**6.2.1. Što se tiče ekonomske i financijske sposobnosti, u skladu sa članom 47. Zakona, ponuda će biti odbačena ako ponuđač ne ispunjava sljedeće minimalne uvjete, a koji se može potvrditi dokazima:**

- da ponuđač u posljednjih 12 mjeseci nije imao blokiran niti jedan otvoreni transakcijski račun kod njegovih poslovnih banaka;
- da je ponuđač osiguran kod ovlaštenog osiguravajućeg društva i da posjeduje policu (ugovor, potvrdu osiguravajuće kuće) o osiguranju od odgovornosti za štetu počinjenu naručitelju ili trećim osobama, u iznosu od minimalno 200.000,00 KM, skladno Zakonu o agencijama i unutarnjim službama za zaštitu ljudi i imovine (Službene novine F BiH broj: 78/08 i 67/13).

Uz Izjavu (Aneks 3) se dostavljaju obične kopije sljedećih dokumenata:

- Potvrda Centralne banke BiH o aktivnosti svih transakcijskih računa ponuđača (datum potvrde treba biti nakon izlaska Obavijesti o nabavi);
- Potvrda poslovnih banaka o solventnosti svih aktivnih računa iz potvrde Centralne banke BiH u posljednjih 12 mjeseci (datum potvrde treba biti nakon izlaska Obavijesti o nabavi);
- Izjava kojom se ponuđač obvezuje da, u slučaju da bude izabran za najpovoljnijeg ponuđača, treba dostaviti traženu policu osiguranja prije sklapanja ugovora.



**6.2.2** Ponuditelji trebaju uz ponudu dostaviti dokumentaciju kojom potvrđuju da ispunjavaju uvjete tražene ovim pozivom za dostavljanje ponude.

**6.3. Sukladno članku 52. Zakona**, kao i sa drugim važećim propisima u BiH, ugovorno tijelo će odbiti ponudu ukoliko je ponuditelj koji je dostavio ponudu, dao ili namjerava dati sadašnjem ili bivšem zaposleniku ugovornog tijela poklon u vidu novčanog iznosa ili u nekom drugom obliku, u pokušaju da izvrši utjecaj na neki postupak ili na odluku ili na sam tijek postupka javne nabave. Ugovorno tijelo će u pisanoj formi obavijestiti ponuditelja i Agenciju za javne nabave o odbijanju ponude, te o razlozima za to i o tome će napraviti zabilješku u izvještaju o postupku nabave. Ponuditelj je dužan uz ponudu dostaviti i posebnu pismenu izjavu da nije nudio mito niti sudjelovao u bilo kakvim radnjama čiji je cilj korupcija u javnoj nabavi. **Izjava je prilog tenderskoj dokumentaciji.**

**6.3.1.** Sukladno članku 68. ZJN BiH ugovorno tijelo će odbaciti ponudu ako ponuditelj nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uvjeta iz članka 46. Zakona.

**6.3.2.** Ugovorno tijelo može tražiti u pisanoj formi od ponuditelja da pojasni dokumente koje je dostavio, s tim da ne mijenja suštinu svoje ponude, i to u roku koje odredi ugovorno tijelo.

## 7. ZAHJEVI PO PITANJU JEZIKA

Ponuda, svi dokumenti i prepiska u svezi s ponudom između ponuđača i ugovornog organa moraju biti napisani na jednom od službenih jezika u Bosni i Hercegovini. Tiskana literatura, brošure, katalogi ili slično koje dostavlja ponuditelj mogu biti napisani na drugom jeziku, u međunarodnoj upotrebi, pod uvjetom da se uz njih dostavi zvaničan prijevod relevantnih dijelova na jeziku na kojem je napisana ponuda.

## 8. PRIPREMA PONUDA

**8.1** Ponuđači snose sve troškove u vezi sa pripremom i dostavljanjem njihovih ponuda. Ugovorni organ nije odgovoran niti dužn snositi te troškove.

Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata. Dijelovi ponude kao što su uzorci, katalogi, mediji za pohranjivanje podataka i slično koji ne mogu biti uvezani, ponuditelj obilježava nazivom i navodi u sadržaju ponude kao dio ponude. Sve strane ponude moraju biti numerirane na način da je vidljiv redni broj stranice ili lista, sukladno članku 8. stavak (6) i (7) Naputka za pripremu modela tenderske dokumentacije i ponude. Ako ponuda sadrži štampanu literaturu, brošure, kataloge i slično koji imaju izvorno numerirane brojeve, onda se ti dijelovi ponude ne moraju dodatno numerirati.

**8.1.1 Ponuda se dostavlja u originalu, koverta ili paket s ponudom se dostavlja na adresu ugovornog tijela: Operator za obnovljive izvore energije i efikasnu/učinkovitu kogeneraciju, Adresa Adema Buća 34, 88000 Mostar.**



## Na kuverti ponude mora biti naznačeno:

**«Ponuda za nabavku usluga fizičke i tehničke zaštite ljudi i imovine Operatora za obnovljive izvore energije i efikasnu/učinkovitu kogeneraciju» «NE OTVARATI».**

**8.1.2.** Ponuđači mogu izmijeniti ili dopuniti svoje ponude samo prije isteka roka za dostavljanje ponuda. Izmjena i dopuna ponude se dostavlja na isti način kao i osnovna ponuda, s obveznom naznakom da se radi o izmjeni ili dopuni ponude. Ponuđač može u istom roku odustati od svoje ponude, dostavljanjem ugovornom tijelu pisane izjave. Pisana izjava se dostavlja na isti način kao i ponuda, s naznakom da se radi o odustajanju od ponude. U tom slučaju ponuda će biti vraćena ponuđaču neotvorena.

**8.1.2.3** Ponuđači mogu napraviti popis popunjen po shemi koja se nalazi u prilogu informacija koje bi se trebale smatrati povjerljivim.

Ukoliko ponuditelj ne dostavi obrazac ili dostavi nepopunjen obrazac povjerljivih informacija, znači da iste nema i njegova ponuda po tom osnovu neće biti proglašena neprihvatljivom. Ako ponuditelj označi povjerljivim podatke koji se u skladu s člankom 11. Zakona ne mogu proglasiti povjerljivim, ugovorni organ ih neće smatrati povjerljivim, a ponuda neće biti odbijena.

**8.2. Ponude moraju važiti 90 dana**, računajući od isteka roka za podnošenje ponuda. Sve dok ne istekne rok važenja ponuda, ugovorni organ ima pravo da traži od ponuđača u pisanoj formi da produže rok važenja njihovih ponuda do određenog datuma. Ponuđači mogu odbiti takav zahtjev, a da time ne izgube pravo na garanciju za ponudu. Ponuđač koji pristane da produži rok važenja svoje ponude i o tome u pisanoj formi obavijesti ugovorni organ, produžit će rok važenja ponude i dostaviti produženu garanciju za ponudu. Ponuda se ne smije mijenjati. Ako ponuditelj ne odgovori na zahtjev ugovornog organa u vezi s produženjem roka važenja ponude ili ne dostavi produženu garanciju za ponudu, smatrat će se da je ponuđač odbio zahtjev ugovornog organa, te se njegova ponuda neće razmatrati u daljem toku postupka.

Rok važenja ne može biti kraći od roka navedenog u tenderskoj dokumentaciji, ali ugovorni organ ne može utvrditi rok kraći od 30 dana. Ukoliko ponuđač u ponudi ne navede rok njenog važenja, smatra se da ponuda važi za rok naznačen u tenderskoj dokumentaciji.

## 9. ROK ZA DOSTAVLJANJE PONUDA

Rok za dostavljanje ponuda je 30.06.2022. godine do 11,00 sati.

Ponude se predaju na protokol ugovornog organa ili putem pošte. Ponude koje su dostavljene po isteku roka će biti vraćene ponuđaču neotvorene. Ponuđači koji ponude dostavljaju putem pošte preuzimaju rizik ukoliko ponude ne stignu do krajnjeg roka utvrđenog tenderskom dokumentacijom.

## 10. DATUM I VRIJEME PROVOĐENJA PREGOVORANJA:

**Nema pregovora.**



## 11. KRITERIJ DODJELE UGOVORA I CIJENA

Ugovor se dodjeljuje dobavljaču na osnovu kriterija: **Najniža cijena tehnički zadovoljavajuće ponude.**

Ugovor se dodjeljuje ponuđaču koji je ponudio najnižu ukupnu cijenu tehnički zadovoljavajuće ponude.

## 12. SADRŽAJ PONUDE

Ponuda mora sačinjavati ispunjeni i od ovlaštene osobe ponuditelja potpisani i ovjereni:

- popunjeni obrazac za dostavljanje ponuda
- popunjen obrazac za cijenu ponude,
- obrazac povjerljivih informacija
- dokaze iz člana 46. Zakona o javnoj nabavci, tražene TD.
- Izjava iz člank 47. Zakona o javnim nabavkama
- Izjava iz člana 52., Zakona,
- Kopije dokumenata iz tačke 6.2. pod 1, 2 i 3
- Nacrt Ugovora,

## 13. OBAVIJEST O DODJELI

Svi ponuđači će biti obaviješteni o odluci ugovornog organa o rezultatu postupka javne nabavke u roku od 7 (sedam) dana od dana donošenja odluke; i to elektronskim sredstvom, faksom, poštom ili neposredno. Uz obavijest o rezultatima postupka ugovorni organ će dostaviti ponuđačima odluku o izboru najpovoljnije ponude ili poništenju postupka, kao i zapisnik o ocjeni ponuda.

## 14. PODUGOVARANJE.

**14.1. Ponuđačima je dozvoljeno podugovaranje.** Ponuđač u svojoj ponudi mora se izjasniti da li ima namjeru dio ugovora podugovaranjem prenjeti na treće strane ili da nema takvu namjeru (članak 73. ZJN)

**14.2.** Ponuđač je dužan uz ponudu dostaviti izjavu o namjeri podugovaranja koja je sastavni dio tenderske dokumentacije. Ukoliko se ponuditelj ne izjasni o podugovaranju, u smislu podugovaranja njegova će ponuda biti u cjelosti neprihvatljiva.

## 15. GRUPA PONUĐAČA

**15.1.** Ukoliko ponudu dostavlja grupa ponuđača svaki član grupe dužan je dostaviti dokaze iz tačke 6.1.1, 6.2.1 pod a) i Izjavu o ispunjenosti uvjeta iz člana 52. ZJN-a, kao i izjava iz tačke 6.3.3.1 tenderske dokumentacije. Članovi grupe ponuđača mogu dostaviti jedan paket dokumenata koji su navedeni u tački 6.2.1. ove TD i izjave u svezi s predmetom nabave.

Grupa ponuđača dostavlja jednu zajedničku ponudu. U obrascu za ponudu označava član grupe ponuditelja koji je predstavnik grupe i ovlašten za komunikaciju sa ugovornim organom kao i za potpisivanje ugovora o javnoj nabavci.





**15.2.** Ukoliko se grupa ponuđača ne izjasni o predstavniku grupe, njegova ponuda će u cjelosti biti neprihvatljiva.

**15.3.** Ponuđač koji je samostalno podnio ponudu ne može biti član grupe ponuđača u istom postupku nabavke. Član grupe ponuđača ne može biti član druge grupe ponuđača u istom postupku nabavke.

## **16. INFORMACIJE O ZAŠTITI PRAVA DOBAVLJAČA**

U slučaju da je ugovorni organ u toku postupka javne nabavke izvršil povredu odredbi Zakona ili podzakonskih akata, imate pravo uložiti žalbu ugovornom organu, na način i u rokovima propisanim članom 99. i 101. Zakona.

## **17. OSTALE INFORMACIJE**

Svi dokumenti u ponudi trebaju biti potpisani od strane ovlaštene osobe ili osobe koja se potpisuje po punomoći koja se prilaže u ponudi.

U skladu sa članom 7. stav (3) Pravilnika o postupku dodjele ugovora o uslugama iz Aneksa II Dio B Zakona o javnim nabavkama ("Službeni glasnik BiH" broj :66/16), ovaj poziv za dostavu ponuda objavit će se na internet stranici Operatora za obnovljive izvore energije i efikasnu/učinkovitu kogeneraciju i uputiti (dostaviti) na najmanje tri adrese.

### **Aneksi:**

*Aneks 1. Obrazac za dostavu ponude*

*Aneks 2. Obrazac za cijenu ponude*

*Aneks 3. Izjava o ispunjenosti uvjeta iz članka 47. Zakona*

*Aneks 4. Izjava o ispunjenosti uvjeta iz članka 52. Zakona*

*Aneks 5. Obrazac povjerljivih informacija*

*Aneks 6. Nacrt ugovora*



**U IME UGOVORNOG ORGANA**

**Edim Memić, Direktor**